

^a Leo Offic. 1. 2.
^c 2.

fuerit, clarè videtur apud Leonem * Ostiensem, qui eam honore isto à Ioanne decimotertio donatam fuisse scribit circa annum nongentesimum septuagesimum primum, dum ait : [Huius Abbatis nono decimo anno, Ioannes Papa de Roma exiliatus, venit Capuam, & rogatus à præfato Principe Pandulfo, tunc primum in eadem ciuitate Archiepiscopatum constituit : consecrato ibi Ioanne fratre eiusdem Principis Archiepiscopo. Post quem Donnus Leo huius cœnobij Monachus in eadem ciuitate, quatuor annis & dimidio Archiepiscopatu functus.] Subdit illustrissimæ memoriæ Cardinalis Baronius ciuitatem illam ante omnes alias regni Neapolitani Metropolim factam fuisse, idque se in monumentis Ecclesiarum huiusce regionis obseruasse asserit. Hanc autem coniecturam adeo probabilem confirmabo ex perantiqua Notitia Metropole in Italiæ in vetusto Codice Thuano, quo hæc quinque Metropoles tantum recensentur.

[In prouincia Etruria, siue Tyrrea, numerantur ciuitates
Ciuitas Romensium Metropolis.

In prouincia Capuensi

Ciuitas Capuensis Metropolis inuenitur.

In prouincia Flaminienfi, ciuitates numerantur

Ciuitas Rauennensium Metropolis.

In prouincia Venetienfi & Histrienfi numerantur

Ciuitas Aquileiensium, ipsa est Forum Iulij.

In prouincia seu Liguriensi, ciuitates numerantur viginti.

Ciuitas Mediolanensium Metropolis.

Hæc habet Notitia antiqua, ex quibus patet euidenter Capuam primam Metropolim in continenti Italiæ factam fuisse post Romam, Mediolanum, Rauennam & Aquileiam. Obstare tamen videtur Notitia alia antiqua Bibliothecæ Regiæ temporibus Photij Patriarchæ Constantinopolitani facta, dum ait Rhegitanam Metropolim iam tunc auulsam fuisse à Patriarchatu Romano. Is enim vixit seditque Constantinopoli, dum in ea celebrata est Synodus octaua generalis, anno octingentesimo sexagesimo nono: Capua verò nonnisi anno nongentesimo septuagesimo primo Metropolis facta est: vnde nihil circa hoc certi videtur esse, quod asseueremus. Sed satis de prouincia Romana, nunc de alijs dicendum.

X.
MEDIOLANVM
METROPOLIS.
^b Procop. rerum
Gothic. lib. 2.

^c Liuius lib. 5. D.

Prouincia Mediolanensis secunda post Romanam in Italia, sic dicta à Mediolano, quod huius Metropolis fuit. [Mediolanum autem, ^b inquit Procopius, vrbs à Liguribus habitata, medio ferè inter Rauennam & Alpes, quæ in Galliarum confiniis sunt, sita est itinere. Princeps inter Occidentis vrbes post Romam, tam magnitudine quam incolarum frequentia, & cæteris fortunæ bonis.] De huius origine tradit ista Liuius. [Sigouesus Bituriges, Aruernos, Heduos, Ambarros, Carnutes, Aulercos exciuit. Ipsi per Taurinos saltumque inuiæ Alpīs transcenderunt in Italiam, fusisque acie Tuscis, haud procul Ticino flumine in agro Insubrum urbem condidē, quam Mediolanum appellarunt.] Sed quid ad hanc Metropolim paucis describendam conuenientius isto Epigrammate Ausonij Poetæ?

*Et Mediolani mira omnia, copia rerum,
Innumera cultaque domus, facunda virorum
Ingenia, antiqui mores: tum duplici muro*

Amplificata